


三原集

特 252

995

30



始



特252
995

解題

一本書は頼春水藝備詩集を編せんとして青木充延に之が蒐集を囑し充延は石井豊洲に依頼して撰せしめたるものを底本とす


一京都の江村北海日本詩選を作らんとし藝備中三原に關するものを春水を通して充延に頼みたるものと思はれ正續十五卷中編入せらるゝもの十三人の多きに至り何れも三原集中の人たるは云ふまでもなく其詩は彼是同一のものは殆どなく全く兩者を共に活さんと欲したる心遣の窺はるゝものあるを知るなり春水は詩選を玉石混淆見るに足らずと評したることあれども其人を知るに於ては最も良き資料たるなり

一今は以上の兩者を集めて聊か古人の風貌を彷彿せんと欲するなり別に合浦詩集と稱するものあり寶曆年間の者にて此頃某家の秘庫より發見したるも排印工を竣りたる後なりしを以て附録として編入することとしたり

一第七回先賢祭に當り之を各位の坐右に呈することとせり

昭和十三年十一月十日

三原圖書館長 澤井常四郎



登高有感 西川寬行

芙蓉万仞倚蒼天。削壁巉巖思渺然。

高步三峰懸積雪。回看千里拂輕烟。

昔時曾抱青雲志。今日却羞白髮年。

何年更將薜蘿服。飄々此處類遊仙。

叙

春水先生著藝備詩纂。其意存古人也。三原以其一都會。使青木潛輯之。蓋子潛之意。欲偏存其人也。多求諸古紙蠹殘之餘。玉石混淆非借淘汰之手。奚能發光彩於其中哉。子潛就余謀之。余爲取其詞。意味者間轉換一二字。苟其可者亦不多施彫琢。而偏存其人。是付子潛意也。旣爲一冊子。題曰三原詩纂。雖未足悉載春水先生所纂。斯卷之存。亦足以觀三原一都之風也。

文化丁卯春二月

石 威 臣 題

三原詩纂目次

四言	二	首
七言古詩	二	首
五言律	卅二	首
五言排律	二	首
七言律	廿七	首
五言絕句	卅六	首
七言絕句	百五	首
計	二百六	首

三原詩纂姓名錄

- 都筑 □□ 字某号獨峯稱九良右衛門 三首
- 早川 起貞 字士元号逝川稱傳左衛門 安永乙未沒一首
- 生駒 直孝 字某稱助右衛門致仕号少山 安永庚子沒一首
- 早川 貞綱 字伯紀号洪澳稱覺右衛門 二子貞澄起綱共志學好詩 文化乙丑沒 三首選在日本詩以下同
- 崎田 勝易 字義質稱文左衛門 寬政己未沒 △六首
- 丹羽 直道 字子由号恒山稱五郎右衛門 文化丁卯沒 △四首
- 佃 直統 字某号潜抱堂稱治平致仕号野雲 寶曆己卯沒 二首
- 西川 寬行 字公倫稱甚五兵衛致仕号多嶺 寬政戊午沒 △三首
- 田 鑑 (缺字號) 一首
- 荒木 就喬 字以律稱禎助 延享丁卯沒 一首
- 嘉助 (缺字號) 二首

山 子卿 (缺字號) 一首

山 可曉 (缺字號) 一首

三宅資簡 字清章稱十左衛門 天明丙午沒 一首

乾 直貞 字某稱次五平 寬政癸丑沒 一首

戶田實秀 字某稱勘五兵衛致仕号流水 天明壬寅沒 一首

戶田勝秀 字子蘭稱與三右衛門 安永戊戌沒 △四首

渡邊 尙 字某稱八藏致仕号沙鷗 寬政辛亥沒 一首

渡邊 臺 字子樓稱三進致仕号謙翁 寬政庚申沒 一首

湯淺誠意 字某稱十郎兵衛 安永戊戌沒 一首

小池信弘 字毅鄉稱關次 享和壬戌沒 △四首

宇都宮維澤 字士韻号湖鳴館稱韻藏 天明辛丑沒 △十五首

湯淺誠益 字某稱相次 宣政己酉沒 一首

戶田三秀 字子需号東溪稱韻藏 寬政庚戌沒 一首

佃 應介 字士通号解慍亭稱貴一 享和辛酉沒 二首

宇都宮思道 字子弘稱清藏士龍之長子 天明丁未沒 一首

松田正義 字某稱佐內 元文戊午沒 于浪華邸 一首

松田維輯 字伯黥稱民司 寬政癸丑沒 一首

寺西弘篤 字某号柏亭稱多助 安永中沒 于東都 一首

山田常義 字某号松齋稱茂平寺西弘篤之子仕官于東都 寬政之初沒 一首

杉江宗伯 字正道号石湖 寬延戊午沒 一首

吉村源泉 字元叔 寬政戊午沒 一首

杉江世華 字伯韡稱玄朝 文化丙寅沒 二首

宇都宮元衡 字平一 寬政癸丑沒 一首

新 元凱 字濟美稱才藏 △一首 有綠綺堂文集

永井貞卿 字孝幹号櫻山稱亮平 明和丙戌沒 △廿六首

倉橋 明 (缺字號) 二首

三上 等 字三平 寶曆癸未沒 三首

山内公規 字則夫号樂山稱禎次 寬政戊午沒 二首

永井明輝 字孝欽号黃薇稱淳平 寬政甲寅沒 △十九首
檜崎正員 稱忠右衛門 元祿丙子沒 無詩
澤 鑣 字士範稱善右衛門 安永丁酉沒 三首
河重 鱗 名政秀字圖龍稱三良衛門 明和乙酉沒 一首
三好爲光 字某号倚松稱助左衛門 明和辛卯沒 二首
安井 武 字子桓号東里稱三良平 安永戊戌沒 △五首
山内卿儀 字周豊稱三兵衛 安永辛巳沒 一首
澤 元超 字千里稱藤兵衛 天明壬寅沒 △三首
林正 鶴 字三冲号蘆月庵稱千藏 明和戊子沒 一首
川口雅尙 字子彪稱平右衛門 天明丁未沒 三首
桑村 喬 字遷之号時々庵稱彌一兵衛 天明丁未沒 一首
桑村含圖 字伯鳳稱新左衛門遷之男 寬政丁巳沒 一首
川口宗徳 字某号松徑稱助一郎 寬政戊午沒 二首
川口伴龜 字萬年号土芝稱六藏 文化丙寅沒 二首

高尾正精 字阮禮稱筑後守西宮祠職 明和壬辰沒 一首
檜崎員英 字文洲号溫故堂 寶曆壬午沒 一首
原 秀十 字某稱隆伯 寬政戊午沒 三首
原 秀恒 字文仲稱恒之進秀十之男 安永丙申弱冠而沒 一首
廣田 鑒 字子明稱三節 天明乙巳沒 二首
清田 彰 字某稱玄澄 享和壬戌沒 一首
桂 尙賢 字某稱春澤 文化乙丑沒 于浪花 一首
毛利 秀 稱伊太郎 文化丙寅弱齡而沒 一首
津川宗格 (缺字號) 一首
津川道賢 (缺字號) 一首
近藤 璋 字子圭号觀瀾稱潛洲後轉居于尾道 寶曆庚辰沒 六首
金丸貞則 (缺字號) 一首
秋山正芳 號蘭渚稱重三郎教授子弟 △二首
僧了繁 三原人住于東都芝増上寺四十三世大僧正 無詩

斷繼 成就寺歸俗稱並木宗輔住于浪花 寶曆中沒 三首

僧悅道 東光寺四世 延享丙寅寂 二首

僧惠玉 (缺字號) 一首

僧桂谷 宗光寺十世 寬延辛未寂 一首

僧三休 成就寺六世 明和辛卯寂 一首

僧容山 (缺字號) 二首

僧靈密 (缺字號) 二首

僧秀泰 順勝寺七世 明和丙戌寂 一首

僧秀巖 順勝寺八世 安永戊戌寂 一首

僧秀誠 順勝寺九世 天明丙午寂 一首

僧秀輓 字柔演号白山順勝寺十世 享和甲子寂 四首

僧宥寬 正法寺 安永庚子寂 一首

僧萬涯 東光寺六世 天明壬寅寂 一首

僧靈源 香積寺廿三世 二首

僧慈舟 宗光寺十六世 一首

僧梅峯 法常寺十六世 一首

僧圓覺 淨念寺會下 一首

僧聽林 淨念寺圓覺之弟 一首

僧滿目 三原人住于田之浦双照院 二首

僧道鱗 宗光寺十一世 一首

僧晦堂 (缺字號) 三首

附錄

僧道白 字卍山本州惠蘇郡古頃邑藤井氏正保乙酉祝髮於田總龍興寺後住于加州大乘寺稱曹洞復

古和尚正德乙未寂于洛北鷹峯玄古庵卍山錄數卷行于世 一首

三原詩纂

四言

安子桓爲其大人需壽詩賦此以贈

近藤璋

有松兮阜。載茂載繁。樂只君子。德音莫違。
有松兮翠。覆谷臨水。威儀棣々。彼其之子。
有松兮峯。河水滔々。鼓瑟吹笙。眉壽千歲。
有松兮秀。在彼河側。兒孫開燕。秩々令音。
有松兮嶽。福履成之。之子于孝。保艾爾後。
有松兮老。人百其齡。稱彼兕觥。萬壽無疆。
有松六章章四句

菅公贊

僧道麟

夢參佛鑑。全露精神。稱梅花主。和靖前身。

七言古詩

秋日木屋邑見百歲翁

宇都維潭

寂然茅屋谿水濱。中有上壽百歲人。白髮皓眉猶嬰鑠。短褐長筇木綿巾。陶畝耘罷艸頭睡。白齋黃稻着花新。花間秋風吹蒲席。對水看山不勞神。老翁有女過半百。咸言此姬能事親。甘旨調饌非充養。菽水承歡不知貧。予與老翁一瓢酒。且拜且啣喜色伸。言我村落無此美。知是三原川家醇。何幸希世君子賜。分配滴々與四隣。後園柚子非爲報。聊薦滿盆金玉珍。食之甘味應延壽。何須蟠桃與大椿。老翁自愛女能養。何啻延年期頤春。

牧村宅觀佐々木生劍技行贈佐々木生

永井明卿

佐生傑出不羈才。擊劍讀書文武哉。讀書不汲汲章句。得意渙怡放下去。是心學劍技夙就。演武場頭棍劍開。大喝一聲閃電光。短刀長槍闊勢揚。動如脫兔靜處女。一奇一正應龍翔。應龍伏虎決雌雄。屈腕伸臂兩々當。勇銳全身如錢石。氣作電虹汗作漿。弟子森列咸善學。波瀾所及不可妨。流來滔去似車輪。健手逸足難具陳。萬光不當誰知否。勿謂劍足敵一人。殺氣紅日逼虞淵。觀者決背皆稱賢。憐君一介貧書生。或時談禪又嗜詩。忠也於吾舊相知。榮枯消長自有域。吾子其努力努力。

五言律

客堂秋夕

丹羽直道

千山搖落暮。一劍倚天涯。夢寐家鄉近。歲時書札遲。林塘雲雪澹。江海月凄其。長缺空堂上。高歌對酒卮。

同前

小池信弘

蕭瑟客堂夕。獨看月色開。十年故園夢。萬里他鄉哀。葉落人無到。雁飛書不來。秋風何日返。轉使二毛催。

中秋小集

全

秋月滿高城。輝光萬里明。雁鴻當檻響。蟋蟀近窓鳴。露濕桂花苦。霜侵綠樹清。勝遊把盃酒。誰不動詩名。

客堂秋夕

佃應介

秋風千里到。無奈客衣單。倚檻星河近。挑窓夜月圓。陰蟲鳴艸裡。孤雁度雲間。故國知何處。茫然獨坐閑。

同前

宇都維潭

秋風孤館夕。搖落對斜暉。近砌陰蟲響。衝雲塞雁飛。枕邊鄉夢斷。燈下夜鐘微。坐見繁霜隨。一寒奈短衣。

(12)

冬夜雨譙集黃梅館

全

高亭冬夜宴。滿酌覺寒輕。雨促紅梅樹。人吹碧玉笙。英華隨筆發。流響遏雲清。不是蘇門嘯。偶聞鸞鳳聲。

元文戊午九月在干難波而病急仍賦此寄鄉友

松田正義

難波秋月白。一夜感芦風。笑以生前事。丁寧示幼童。諸公克憐察。扶彼立微功。病急字難寫。筆窮意無窮。

江亭避暑

松田惟緝

盛夏高亭上。披襟俯碧流。清風搖樹至。明月映波浮。共愛江湖趣。偏思河朔遊。是非遠劉侶。杯酒興尤幽。

送人還鄉

山子卿

祖帳餞君去。朝來總不閑。潮頭情緒亂。雨脚淚痕斑。望入關山外。賦成雲水間。柳堤將解纜。共撫

玉刀環。

送人之東都

山可曉

離別春風裡。拂衣淚不乾。望迷蒼海外。恨引白雲端。富嶽千秋雪。東江七里灘。知君多少賦。到日報平安。

深夜蟲

新元凱

夢醒山館夜。幽獨聽憑欄。切々月前苦。嚶々風處寒。閨添思婦怨。壁伴醉翁嘆。吾亦悲秋者。高知競易難。

遊須磨寺

全

來遊須磨寺。祇樹綠陰清。雲自松巖起。烟含鹺戶生。玉笛傳遺愛。青簾記古名。不覩山房靜。那知詞客情。

和弟孝欽寄懷之作

永井貞卿

客行窮絕險。鄉思日悠々。風雨驛樓夜。春令原濕秋。孤鴻響枕上。尺素問刀頭。猶未迴車去。徒爲九折愁。

春日寫懷

全

(13)

烟霞空抱病。丘壑久關心。儵石無餘粟。牀頭有古琴。迎暄耕鼠郭。向日步春陰。踪跡托高興。還成梁甫吟。

秋夜泛舟

全

浦口暫浮艇。夜來興不孤。秋聲蘆荻起。海火漁舟呼。尊估十千酒。膾裁三尺鱸。因思滄浪曲。鼓枻在江湖。

舟次牛緒

全

津樹秋風起。篝燈海色寒。卿書雲外斷。客路月中看。山接黃薇國。帆過白石灘。方舟不相識。轉覺別離難。

早春池君清風亭集分韻得一先

永井明卿

邸宅城池外。高亭驛路邊。餘寒梅欺雪。幽奧茗和烟。每接文章座。惟憐犬馬年。元亮能致客。風味有無絃。

題松本氏賀島別莊

全

不見風塵色。惟知薜荔心。海樓迎曉日。山閣坐春陰。籬下黃花酒。丘中白雪琴。羨君樓隱處。鷗鳥伴孤吟。

春日三正撲宅同川周文賞庭梅分韻得十四寒

全

閑庭媚梅色。素妝倚欄干。縱莫仙郎夢。豈無林甫看。月過疎牖外。香動五柳端。慙伴陶家飲。詩盟亦不寒。

咏寒菊

全

臘月餘清色。風姿入苦吟。遶籬侵白雪。映坐欺黃金。淚向湘江盡。興隨彭澤深。秋風楓落後。獨托歲寒心。

中秋望岳亭賞月分韻得十一尤

山公規

秋天明月色。皎々照高樓。風度清輝苦。影沈濃露浮。賞心謾把酒。良會更忘憂。今夜家々興。何人得逸遊。

宿佛通寺瑞雲庵

澤

攀上佛通寺。梅天半嶺陰。巉巖樵唱絕。古木鳥聲深。流水分人影。涼風拂客襟。瑞雲精舍夕。閑坐脫塵心。

答渡蘭澤

近藤璋

鵬翼翔天外。何論燕雀心。世情流水色。生事風塵深。文自開東閣。才宜賦上林。憐君陸沈趣。鏗爾

不應尋。

客中悲秋

安武

江樓薄暮望。何處不蕭條。水氣晴看月。寒聲夜聽潮。關山千里外。湖海一身遙。誰憶無衣客。孤燈坐寂寥。

哭櫻山悅堂師

全

杖錫響空裡。高僧去不歸。星寒松影落。天靜鶴聲微。宿昔同裁賦。如今淚濕衣。櫻山總愁色。唯有白雲飛。

病中吟

川口宗德

生來奈多病。荏苒過光陰。時序夢猶駭。鬢邊霜更侵。窓前風颯々。簾外月沈々。親友日疎濶。擁爐獨苦吟。

舟上過雨

林正鵠

委水黃昏色。江淮薄霧通。蓬鳴松岸雨。鐘響蘭舟風。孤笛誰家客。一釣何處翁。懶眠夢難就。暗淡孤燈中。

大地震後道中

僧斷繼

風光多變色。万事使人驚。坤軸此時碎。乾符何代傾。山崩河出沒。地裂水縱橫。日月唯依舊。天涯照旅行。

夜雪

僧桂谷

寒氣折綿夜。孤燈滅又明。打窓雖有響。摧竹竟無情。先喜麥三白。暗知梅獨清。曉來天未霽。蟻垤積如京。

詣秋葉寺

僧晦堂

登臨秋葉寺。宿世好因緣。堂上梵音響。樓頭文籟旋。行窮雲起處。坐見水流邊。無礙圓通境。不妨破暗還。

春江晚景

僧靈源

日暮洞庭濶。淼渺江海流。亂鴉飛苑外。宿鷺立沙頭。一笛漁家曲。孤舟旅客愁。春風吹欲盡。眸凝白蘋洲。

送道高禪人

僧慈舟

春風三万里。孤策拂烟霞。題柱辭鄉國。浮囊渡海河。眼頭富嶽雪。心裡提林花。汝得此真諦。早晚清白家。

海城早秋

西川寬行

水鄉秋氣早。夕日爽涼歸。青靄山邊起。白雲海上飛。井梧猶未落。夜月已揚輝。自是風霜苦。千家聽擗衣。

五言排律

客堂秋月

戶田勝秀

十年羈旅客。誰爲上崔嵬。囊裡黃金盡。鬢邊白髮催。音書久隔海。壯士自成灰。蕭瑟秋颺起。淒涼顛氣回。青楓經雨老。紫菊帶霜開。蛩響園牆下。雁飛江水隈。當軒河漢動。映牖月華來。雖感悲哉節。相思向誰裁。

哭景山堀先生應教

永井貞卿

家聲經業古。被寵獨飛揚。俎豆觀風度。詩書仰國光。原非衰鳳歎。何見接輿狂。之子歸黃土。幾人悲白楊。芝蘭發舊室。琴瑟倚空牀。已矣斯文喪。轉教教此別傷。王孫終不返。春艸日將芳。薤露徒遺愛。歌成各濕衣。

七言律

謝唐君彥明來訪

都獨峯

初接芝眉情不空。閒談更與舊知同。最憐詩賦超時輩。可羨才名冠世雄。綠樹影清城郭聳。黃梅雨霽路徑通。艸亭此日徒耽酒。擬挹啜茶兩腋風。

送唐君彥明官遊東都

全

春風曙色破交歡。垂柳青青露未乾。浪跡堪聞衰鳳歎。壯心今識臥龍看。孤帆朝拂霞標轉。雙劍夕貫北斗寒。暗向風塵勿投玉。君恩自可入彈冠。

客堂秋夕

早川貞綱

獨坐高堂秋色來。西風落日賦悲哉。數行旅雁腸堪斷。何處寒砧心欲摧。題柱謾比相如志。思鱸却乏李膺才。即今聖代多恩澤。孤客預期衣錦回。

嚴島

丹羽直道

帝女祠壇碧海頭。林檎霞彩見滄洲。階廊宛轉臨龍窟。宮殿玲瓏對蜃樓。月若方舟天樂起。潮平十里夜燈浮。賽神不啻千帆湊。採藥飛仙自可留。

新月

崎田勝易

春風薄暮斂山烟。初月纖纖已在天。花樹林深光隱映。柳塘水滿影妍娟。直疑金鏡繞遮匣。堪比彫引不弛絃。本識瘦樓耽飲宴。夜來應待十分圓。

新柳

全

東風暖動汴河邊。不盡長堤春可憐。幾樹柔條迷細雨。一叢嫩影帶輕烟。先樂遊子離家日。新種徵君解綬年。借問楚王宮裏女。寵恩向汝競嬋娟。

秋日遊三瀧寺院

全

野逕荒涼秋水涯。青山行逸梵宮斜。懸泉三道如鳴玉。墜葉千林似雨花。飢鳥相呼來就食。老僧無事坐烹茶。一時解脫塵緣累。閑見孤雲落日餘。

關原懷古

西川寬行

關原吊古艸凄々。無限山川望轉迷。岐阜城邊行客斷。瑞龍塞外夕陽低。千巖白石如幔幕。萬嶽風濤似鼓鼙。欲問當年戰爭事。深林唯有夜猿啼。

題賀島圖

渡邊尚

波際孤峯日夜浮。晴霄畫出一層樓。剎津雲散天門暮。玉浦月懸水國秋。屋外青螺分鳥道。窓中白練

捲鯨流。不須鼓柁求形勝。開卷坐來成臥遊。

奉壽老公五初度

宇都維潭

南極星輝碧海隈。櫻山春色滿樓臺。陪筵遲日嘉賓醉。結伴遐齡瑞鶴來。園裏艸含恩露秀。階前花待惠風開。新題共獻青松翠。映出華堂萬壽杯。

家慈八十壽詞

全

庭樹春回阿母堂。開筵更進萬年觴。隔簾歌曲爭潮響。當席斑衣映日光。海屋添籌盈八秩。園桃栽核算千霜。榮親奉養皆恩賜。併祝我侯壽域長。

余巡邑上巳雨發乃美邑至白市過女婿松浦文江家

全

行車乘雨遇良辰。香濕紅桃處々新。涉水幾過村落徑。携樽初賞婿家春。風雪好擬床頭畫。祓禊何妨市上塵。况對林間三世杏。著花今薦酒盃親。

九日同諸子上旗山望海

全

旗山突兀倚清秋。佳節登臨萬象浮。島嶼遙連三備出。波濤遠擁四州流。黃金日射崖邊菊。彩鷁晴飛畫裏舟。借問龍山高會興。何如蜃氣結成樓。

除夕

戶田三秀

衰年此夕意緒寬。送舊迎新強作歡。一巡梅花時郁々。千山雪色尙漫漫。開簾戶外窺星轉。擊拆城頭覺夜闌。幽獨挑燈終不寐。清晨拂坐攝衣冠。

和西隣卿登泰雲山贈麟上人之作

永井貞卿

聞說君登般若臺。遠公遯跡一峯開。安禪時見天花落。高臥更窺夜月來。雲氣生澗龍欲動。鐘聲向晚鳥飛回。玄談不與窮途客。偏屬白蓮社裏才。

寄和元助

全

裁書一望雁羣懸。若憶琵琶湖水邊。天接芙蓉東海遠。地餘花艸舊都連。春風鼓瑟魚龍舞。夜月梵臺女史篇。美爾輕舟木蘭楫。白雲千載自相憐。

擬贈韓聘使二首

全

三韓長路自悠哉。萬里洪濤使客才。玉節遙隨南極入。錦帆直逐北風來。天連碣石海雲暗。地盡扶桑日月開。共喜東方故修信。壯游不是爲蓬萊。

滄瀛萬里更悠々。畫鷁長風擊汰秋。絕域三韓修舊好。觀濤八月賦壯游。塞開玄兔雲山斷。洲入青艇溟色浮。應識東來昭代化。如今大海割鴻溝。

冠崎大悲閣

全

嶢嶢香閣暮鐘聲。下界蒼茫海色晴。燈影秋寒波浪外。石牀風飄雨花平。月明龍女珠應照。雲裏仙人鶴欲行。知是大悲濟世遍。千年天竺古先生。

途人遊南紀

全

岩嶠嶽色鎖烟霞。地盡南天客路賒。玉女祠邊雲映階。明光浦上浪吞沙。封疆舊接蛟人室。海畔應逢仙使槎。莫道遐方風土異。只今化外即爲家。

浪華客中九日

全

登高何處浪華臺。楓樹蕭々暮色來。已恨青山望裏斷。况逢黃菊客中開。蕪葭秋冷三津水。風雨時傾九日杯。遙念天涯諸弟隔。幾人同採茱萸回。

奉壽老君四十初度

原秀十

大椿擁綠鬱娟嬋。無限薰風賀八千。東海彩雲呈瑞色。南山佳氣映瓊筵。君候自布三代德。我黨偏欽萬世賢。况復陰精能有奉。長開壽域幾年々。

嚴島

廣田鑒

一望嚴島五雲浮。祠負碧山擁海流。奇樹怪岩臨殿上。清潮涼月繞廊頭。烏鴉開筍迎舟下。麋鹿馴人傍岸遊。曾道東方有仙窟。今看風景是蓬丘。

坂鄉寓受業龍興寺有感作

五十年前痴小兒。憶投此寺作沙彌。讀書漂麥驅烏日。汲水添瓶救蟻時。渾撲不攻顏似玉。琢磨已了髮如絲。飯來感舊老松樹。本是蒼然摩頂枝。

僧 白 丑

初春上萬福精舍

僧 靈 密

蓮社勝遊望壯哉。珠林琪樹百花催。瑞烟春泛黃金界。法雨夜霑白馬臺。懸燭諸无香氣發。捲簾十地月光開。高僧自愛離塵境。共喜此中無世埃。

壽川口子彪六十

僧 秀 誠

君家清宴絕埃塵。勸酒階前仙客親。綠竹風過翻鳳翼。青松年古動龍鱗。南山佳色臨時發。北斗星光逐日新。爭獻楚調多少賦。高歌堪聽萬嶺春。

賦得人跡板橋霜

秋 山 正 芳

北風蕭索冷衣巾。何處鐘聲月半輪。四野鷄鳴通驛居。一家狗吠達鄉隣。殘星忽落群飛雁。瘦馬徐行自在身。橋上繁霜誰踏破。前村疑是探梅人。

五言絕句

過友人別莊

佃 直 統

披襟對碧峯。微雨洒長松。碁局清閑處。不知到暮鐘。

井 口

崎 田 勝 易

江村又山郭。步々適幽情。曉霧猶深處。日華生海底。

分題寒夜旅情得四支

三 宅 資 簡

燈下三冬夜。旅情感歲時。寒風轉破夢。鄉思亂如絲。

糸 崎 夜 雨

小 池 信 弘

長井神祠古。一燈海岸明。風光看不見。夜雨暗爲聲。

訪 僧 不 遇

湯 淺 誠 意

夕陽斜照山。門閉白雲間。飛錫幾千里。不知何時還。

霖 兩 晴

嘉 助

四山宿雨收。楚雀囀林丘。欄外黃梅熟。長虹橫海頭。

森 溪

全

秋山雲寂々。齒徑水潺々。牧笛誰家子。吹傳落照前。

紅梅館

字元衡

屋裏紅梅樹。東風爛熳開。梢頭孤月上。疑是美人來。

姪自山陽至不相見數十年因泛舟墨水賦此以示

山田常義

喪妹三十年。河上且邈焉。何圖携姪手。同乘墨水船。

分題客中夜坐二首

永井貞鄉

鴻雁故鄉來。感識故鄉路。更欲問家書。高飛不肯顧。

夜坐人情苦。天涯歲月移。白頭鏡中色。不似出鄉時。

山中

全

秋風吹薄暮。墜葉向階鳴。池水落山影。始看山月生。

山寺春興

全

寶地春將暮。登臨夕日斜。上方開磬入。落盡諸天花。

絕句

全

千門李與桃。春色闌奇絕。夜來風雨生。江上盡成雪。

落月亭

全

買舶安橋處。高亭傍海開。山陽一片月。夜々送潮來。

懷梅

永井明鄉

春來欲見梅。江北猶未開。且得江南信。應須幾日來。

聞雁得片字

全

萬里山川遙。家鄉不可見。終夜聽鴻聲。曉來雲一片。

春雨

全

西山昨夜雨。不見前灘處。春水深三尺。梅花泛々去。

分題海城早秋

全

海國催秋早。梧桐葉已飛。空階孤月色。處々擣寒衣。

子陵釣臺

全

客星侵帝坐。歸去補漁衣。千載釣臺上。天空一鳥飛。

南都雜詠

全

猿潭池邊柳。春來綠如絲。似留千古恨。嬾々背人垂。

賦雪中梅花得十灰

檻外白梅樹。南枝帶雪開。寒風乍吹去。疑是落花來。

山公規

送其瀾

鷓鴣湖水白。送別曉風寒。柳堤繫君馬。折枝仔細看。

近藤璋

逢僧自西海歸

西海吟節遍。何處得意多。浙江湖水趣。赤馬關前波。

全

九日有感

九日登高處。茱萸白髮新。秋風吹不定。落帽有何人。

河重政秀

湖景

湖光山影動。一望去帆賒。返照浮波盡。月輝散白沙。

三好爲光

題佛通寺

占幽林樹裏。山月照清泉。開士入唐後。梁津幾載傳。

川口雅尙

聞雁分得衣字

獨爲千里客。剩見雁南飛。書信更無到。思鄉淚滿衣。

桑村含圖

鴻崎水螢

流螢百萬点。聚散且紛紛。疑是銀河水。洒來列宿文。

川口伴龜

北里桃花

十里江村路。桃花千樹春。林間行樂客。疑是武陵人。

僧悅道

茅齋夜雨

夜雨茅檐裏。餘閑趣更深。不勞他手指。數奏沒絃琴。

全

春月野望

中和天氣晴。晴日獨吟行。梅蘂追風馥。柳條經雨清。

僧惠玉

春夜夢故人覺來不見其人得五絕

聞寂廬山夜。三更一就眠。故人來入夢。舉頭明月懸。

僧靈密

擣衣

獨坐深閨裡。依然秋夜長。寒砧何處所。頓使妾心傷。

僧秀輦

春寒

春寒梅未發。何處囀黃鸝。今歲水融日。去年花落時。

全

服部村望月

金丸貞則

窓前收暮烟。秋色使人憐。遙望故園外。明月共一天。

遊西野梅林

丹羽直道

行看西野雪。道是梅花開。未辨梅與雪。自有香氣來。

七言句

送都等計之廣城

早川起貞

秋風南浦白雲閑。一片征帆懸海灣。遙懷清光明月夜。旅魂幾度夢中還。

次韻田鑑奉唐先生兼謝諸公

都獨峯

請看日月去如流。好會何妨秉燭遊。各動吟旌筆陳下。虎威獨振兩双矛。

敦盛

佃直統

白旗飄野萬兵屯。十六春花馬蹄塵。吹斷笛聲須磨浦。行人曩石弔精神。

帆後亭

生駒直孝

友人來訪蘆荻秋。把酒長風向碧流。南海潮聲侵坐處。佳賓自是對沙鷗。

題潮鳴館壁

早川貞綱

碧海長風望轉遙。壯遊無日不鳴潮。白雲明月吹笙坐。見闕秋深海若驕。

送人之京

全

江畔雨晴楊柳斜。扁舟千里向京華。遙知此去山陽道。次第春風處處花。

己斐早行

崎田勝易

板橋殘月役吟筇。野渡人稀秋水春。數畝稻梁上場後。朝炊村落翠烟濃。

艸津

全

海曲人烟驛路斜。酒家盡處半漁家。行々更遠村籬去。朝露猶含木槿花。

歲旦

西川寬行

鷄鳴報曉物光新。忽駭門前車馬塵。尚有孤松凌白雲。蒼々依舊入陽春。

次韻高阮禮

渡臺

彩筆翻々意氣開。三餘螢雪自雄哉。看君他日文壇上。堪羨鄴中八斗才。

中秋湖月亭小集

戶田實秀

東嶺月昇映海頭。可憐今夜他鄉秋。遙聞雲際孤笛響。共倚欄于此作遊。

送木下君歸平安

戶田勝秀

一別烟波望渺漫。五雲深處見平安。知君歸日携佳句。更入王孫公子看。

次韻少山翁

全

把酒高樓倚素秋。望中無處不清流。醉來共忘官途苦。終日憑欄對白鷗。

山行有感

全

青溪窮處樹陰森。峭壁巉巖積翠深。寂歷山中爲誰贈。可憐一片白雲心。

牧村氏席上奉呈唐先生

荒以律

坐對薰風綠野堂。佳人茗話浸枯腸。古來傳說酒千日。誰識歸程帶月光。

奉壽老君四十初度

乾直貞

清風此日上高臺。侍宴先傳長命盃。采藥千年稱壽處。南山自有彩雲開。

長夏薰風

宇都維潭

六月高樓愛日長。竹陰相映有餘涼。彈琴一曲塵喧外。吹入薰風白玉牀。

西山歸鳥

全

京洛昔遊嵐峽涯。尙憶春風映水花。關々可羨群飛鳥。歸去西山五色霞。

送都叔度之廣島

全

廣陵城外小蓬萊。海上祥雲五色開。行矣扁舟春欲盡。波間蜃氣見樓臺。

三日雨松文江席上次韻木原東曲水宴

全

不妨朝雨灑園牆。曲水添波好泛觴。欲問桃花源上路。風流先聽詠歌長。

寶曆辛己之春遊嚴島棚守先生爲余設宴張樂賦此奉謝

全

群仙開宴五城樓。簫管聲震大江流。醉裏幸逢聞廣樂。更疑身與百神遊。

途中九日有感二首

全

行遇重陽感昔時。紅萸黃菊淚堪垂。帝鄉人隔何邊是。瞻望白雲滿目悲。

衰殘長別幾年移。三十有三秋色悲。行路今無清酌薦。片心聊奉一篇詩。

十日歸途至伯姊家

全

歸到山村伯姊家。滿園秋色待吾斜。欣々稚子行盃酒。醒見重陽節後花。

秋日吊澤士範墓

全

櫻山落日照孤墳。鶯鷓秋潮接墓雲。舊吟咏來君不見。悲風吹葉自紛紛。

帆後亭集分韻得一先

湯淺誠益

高亭秋色夕陽邊。坐見千帆映海天。佳景由來隔塵境。風流況復筆爭妍。

夏日江村

佃應介

白雲綠樹繞山腰。水色蒼茫霞色消。堤畔曳筇吟嘯去。唯看返景照長橋。

過薩埵嶺望富嶽有感

寺西弘篤

五十三亭一短筇。每逢勝地慰愁容。驚見家鄉千里邈。海天白雪玉芙蓉。

都仲席上呈唐君彥明

田鑑

相逢此處也風流。誰識雅筵塵外遊。可惜假山移日影。難何無借魯陽矛。

奉壽老君五十初度

宇都思道

樓臺臨海々波間。遲日懸孤彩霞間。欲奏九如稱上壽。城頭千古白櫻山。

賦美人晝睡

杉江宗伯

聞說君王臘未還。水晶帳外露雲鬢。楚宮雨過巫山暗。料識香魂下背閑。

送田君歸鄉

吉村源泉

故山萬里路漫々。極目蕭條江永寒。匹馬忽々君去後。西風明月不勝看。

訪隱者不遇

杉江世華

遠訪幽棲落日深。白雲斜鎖路難尋。柴門到處人不見。半寫牀頭梁甫吟。

西宮春怨

全

半捲朱簾双淚垂。偏憐春色照峨眉。君王何處開高宴。恨殺西宮花落時。

和宇都士龍遊嚴島聞樂作

倉橋明

海上雲霞色滿堂。春光遠掛照霓裳。遙知洞口吹簫處。幾度回翔玉鳳凰。

秋日閑屋

全

遮屋青山落日斜。東籬秋色醉黃花。從茲長作抽簪客。莫使風塵負歲華。

山居

三上等

澗谷雲深日易斜。五畝舊宅栽桑麻。風塵何問世間事。唯將漁樵老歲華。

雪夜

全

黯淡愁雲夜月昏。北風捲地失山村。雪花片々簾前色。此夕袁安不出門。

和宇都士龍遊嚴島聞樂作

全

海上高擢萬古臺。氤氳佳氣鬱崔嵬。舞衣宛轉留君醉。無限仙雲滿坐來。



征婦詞

永井貞卿

頻年夫婿在邊城。萬里故塵尙未平。夜々金闥相思夢。秋風不到漢家營。

櫻山歌

全

郭北岩巉萬仞山。白雲深處更堪攀。夜來一片藤蘿月。千歲何人乘鶴還。

隣花

全

墻頭風起簇烟霞。一樹海棠夕日斜。春色偏憐不相隔。東家花發落西家。

早秋

全

何來秋色入樓涼。雲盡博天雁影長。江海飄零幾人老。西風昨夜到山陽。

龍華寺有空海所植松蓋謂海外種

全

空山一路更無人。花落花開祇苑春。曾有海公植松後。至今風雨玲瓏鱗。

奉送丹丘先生歸京

全

赤石城邊歸客舟。白雲空想舊時秋。如何南海明珠色。難照天涯離別愁。

早春送西公倫之安藝

全

山陽西望海門遙。神女峯頭雪半消。難奈柳條絲未掛。春風無力繫蘭橈。

赤石夜泊

全

海國秋迷極浦烟。城頭月出水連天。即今欲問千年事。彫宮空留帝子篇。

客中夜坐

全

客舍秋風燈影寒。鄉書昨夜落江干。天涯但爲歸思切。幾度開篋仔細看。

暮春

永井明卿

醜醜花發傍籬根。芳草菲々日又昏。紫闥紅樹烟雨裡。不知春思有何門。

晚夏六日孤松館集題高樓酌月分韻得四豪

全

瓊樓百尺一輪高。登眺未除淮海豪。斗大行盃頻斟月。滄溟恰好釣巨鰲。

秋夜

全

江城一片月如霜。宛轉流光接海長。多少樓臺離別客。不知幾處斷愁情。

瓶中梅花

全

冰肌玉質美人粧。瓶裏移來坐散香。恨殺羅浮一場夢。林間月落憶仙郎。

咏豪士

全

酣歌擊筑氣何豪。五尺圭齋三尺刀。午睡如雷呼不起。高軒過處沒蓬蒿。

賦孤雁分韻得十二侵

全

朔風孤雁下秋陰。蘆荻蒼蒼碧水深。去勿向天邊求侶。行人幾處動歸心。

聞 杜 鵬

全

杜鵬終夜叫天涯。夢覺西窗月欲斜。啼血聲聲歸意切。良人獨自不思家。

美 人 畫 寢

全

玉簾風起襲羅裙。半睡佳人夢未分。芳樹鳴禽驚午枕。香餘散作巫山雲。

閩渡邊某詩集賦此以贈

高 正 精

官遊詩賦五雲開。意氣翻翻自壯哉。何物風塵使人若。如今誰識李王才。

春 色

澤 饒

老去花前強自寬。興來雲樹思漫漫。此時更覺滄洲趣。誰問人間白髮寒。

九 日 寄 人

全

重陽客舍菊花新。客土却憐少一人。四海弟兄從來好。休逢佳節倍思親。

送 人 還 廣 陵

小 池 信 弘

廣陵千里渺烟波。憐汝風流素句過。別後舟帆看不見。西山只自白雲多。

題 含 輝 院

澤 元 超

藤蘿裊裊掩禪扉。古佛樓臺含落輝。邱壑雨晴風色好。白雲生處石泉飛。

送平賀中南先生之京

全

十歲交遊白髮新。今朝臨別淚濕巾。雲山千里從茲去。再會何時好可親。

和宇都士龍遊嚴島開樂作

全

春風乘興木蘭舟。直到蓬來五彩樓。羽客笙歌爲君設。紛紛更入白雲流。

同 前

檜 員 英

滿堂絲竹彩雲歸。曲入春風拂舞衣。海上迎君頻勸酒。遙知逸興獨依依。

同 前

安 武

萬里春風霞彩開。君携管入蓬萊。群仙爲奏鈞天樂。青海頻波龍女臺。

奉送彥明先生之東都

全

江路漫々積水連。春風送別轉淒然。三原城上空相憶。武野原頭莫歷年。

山 寺

全

桂樹花開山寺秋。白雲流水共悠悠。登臨月照三千界。下見江波迷色愁。

春夜聞笛

三好爲光

錦城花月坐來明。何處春風傳笛聲。娟々餘音聞不斷。他鄉一夜故園情。

宿佛通寺聞子規

川口雅尙

綠樹森々万仞山。垂蘿巖壁鎖禪關。子規彷彿知何處。不寐孤燈終夜閑。

鷹山覽古

全

鷹山陳跡盡沈々。古瓦殘摧草色深。土氏旌旗何處在。唯看嶺上暮雲陰。

奉壽老君四十初度

桑喬

遙看鳴嶼夕陽繁。十二高樓對海門。鼈上蓬萊將已泛。烟霞千載一乾坤。

仲秋

川口宗德

南樓一夜十分明。長嘯短吟此暢情。此夕風流興無恙。中庭下榻待同盟。

悼岡某病沒于東都

秋山正芳

去年行裝見光輝。今日如何淚濕衣。生別誰圖爲死別。夢魂彷彿望君歸。

宿佛通寺瑞雲庵

川口伴龜

白雲滿目瑞雲臺。日暮園林鬱不開。風雨山間多變態。巖頭明月去還來。

奉壽老君四十初度

山卿儀

詞客如雲金殿連。侍臣彩筆自翻々。千秋共和九臯鶴。何限月宮不老天。

夏日舟中作

原秀十

夏色清和入麥秋。青山簇々映潮流。日斜城上奇雲起。龍女抱珠照客舟。

登本成寺

全

祇林極目渺無涯。指點孤城映海斜。問法來尋詩賦客。高僧汲水自煎茶。

登大寶山

近藤璋

大寶祇林雨色開。上方攀磴此徘徊。重々雲裡山兼水。出沒畫中帆影來。

和韻興福寺主却寄

全

三島白雲隔海岸。山中跌坐墜天花。人間世界拂衣地。來往風流訪陶家。

歲暮有感

原秀恒

窮巷寒門已近春。風霜看過苦吟身。十歲讀書未終業。無奈茅廬混世塵。

賦從軍行截青海長雲暗雪山句爲韻得雲字

廣田鑒

白草原頭飛白雲。黃河水上黃氛滅。終軍元是漢家雄。双鳳門前胡虜繼。

西邨梅花

桂 尚賢

遲日西村携友來。輕烟斜霧午初開。逐香行盡清流外。見得山陰雪後梅。

賀青木子潛四十

清 田 彰

屋後林亭二月春。花間開宴遠風塵。知君眉壽有仙骨。共唱南山祝誕辰。

奉壽老君四十初度

津 川 宗 格

高堂稱壽々三千。並蒂蟠桃結子年。蓬島遙來丹頂鶴。翩翩飛渡彩雲天。

同 前

津 川 道 賢

高館宴闌稱壽盃。南山佳氣繞崔嵬。三花樹上紫雲起。五色雲間白鶴來。

寄鑒水主人

毛 利 秀

檜松遶戶翠雲懸。魚躍清池浪起烟。山水景濃幽致足。風塵絕處思悠然。

舟中曉望

丹 羽 直 道

萬里西風動客情。維舟一夜聽潮聲。東峯忽有朝霞發。岸上人家次第生。

途中大地震

僧 斷 繼

脚下須臾如反覆。行人轉伏又匍匐。山鳴谷響止無期。疑是此時回地軸。

壇 浦

全

殺風四發暗傷心。滿目戰場感慨深。紅葉旌旗枯木戟。還疑兵氣到如今。

春江晚景

僧 靈 源

春江春色正徘徊。日暮孤帆天際回。極目南方千里客。浮雲流水共悠哉。

次韻某雨中來訪

僧 三 休

古松帶雨翠痕鮮。新篠飄風玉露消。寂々山陰無月夜。誰圖乘興去來船。

海濱二師至賦此贈之

僧 容 山

遊子才名此地聞。相逢春雨細論文。賦成時向香臺下。揮筆彌天動碧雲。

寄懷開震上人

全

秋風別後恨離居。欲寄相思鴻雁疎。囊裡知君明月璧。天涯幾度嘆歸歎。

備中永祥寺便成正覺大和尚三周忌獻粥香語

僧 晦 堂

毘嵐特地法幢倒。天下何人不斷腸。正覺山前孤寂々。白雲一帶水忙々。

奉詣伊勢神廟

全

金殿鸞看玉樹林。青苔日厚德彌深。天然尊貴人成市。寶鏡不妨等照心。

和字都士龍遊嚴島開樂作

僧 秀 巖

君遊嚴島百花新。絲竹筵開絕世塵。自有凌波仙子曲。還疑獨值玉壺春。

同 前

僧 秀 泰

洞房花發彩霞深。鶴駕飄飄珠樹林。此裏神仙來採藥。長開雲外鳳簫音。

分韻柳邊繫馬得裘字

全 萬 涯

皇州春色滿青樓。年少風流陌上遊。金馬且留垂柳影。壇邊醉擲翠雲裘。

夏日迎諸君

全 宥 寬

夏簾涼生祇樹林。風流今日逐知音。吸泉石鼎煎茗處。門外蒼松自鼓琴。

臨別香積禪師

全 梅 峯

回首六年如一夢。秋天春夜扣門頻。貧時管鮑今猶在。不用黃金結交親。

除 夕

全 滿 日

雪山兀々老樵夫。四十九年一字無。多病凋枯神駿骨。千金誰應買癡愚。

遊某氏別莊即事

全

百里烟霞縹緲山。神州佳勝聚庭間。袈裟偏感使君賜。多少風光包得還。

初 秋

僧 秀 輓

香閣捲簾事々幽。新涼昨夜入牀頭。西風未染江楓樹。一片白雲萬里秋。

三 日

全

楊柳渡頭烟景新。桃花岸上不勝春。壯遊況是蘭亭興。更使流觴醉幾人。

奉壽老君四十初度

僧 圓 學

紫氣城頭壽宴開。薰風到處是蓬萊。何東海別求仙境。龜鶴奉齡不老杯。

同 前

僧 聽 林

南山影映綠波中。蓬島有茲滄海東。滿眼烟霞吹不斷。千秋萬歲仰雄風。

文政十二年在歲己丑春王正月吉辰

西備梅圃山本哉字克卿

文化四年歲次丁卯秋八月春水賴先生應需

附錄

合浦詩集序

詩也者言其志其彌中而彪外者詩也故見其詩而知其襟抱雕蟲之技弗可廢者斯已矣我
侯亦有見於是矣乎烹鮮之餘嘗令臣濟美賜題州裏作家而纂錄其新硯於是似誕放荒繆若黜者無不厠技于
郢中效顰于巴人也豈不墨場之一盛事哉集已成濟美又奉密旨來計名乎黜序黜飛蜩之質決起控地庸詎
足與計天池雖然不朽之誼遂不可已則豈第黜之私願實三原之寵光也哉黜小子不敢辭無稽蓋我之三原有
崇嶽滄海之勝嶙峋相屬沈洋在目故其人多俊峭而黠浙摘奇咀華之才間出繼起亡花而不操觚亡月而不擒
藻而其文彩亦有足觀者此猶合浦地靈而得玄珠也請以合浦為名濟美左袒此言則記以為序

寶曆十四年甲申六月日

邊 黜 元 拜 題

合浦詩集

登高有感

戶田勝秀

青巒道斷樹陰森峭壁巉巖積翠深寂歷山中有何物到來一片白雲心

同

乾 中

嵯峨千仞與雲連攀上望中瑞氣懸落雁峯頭何處是曾思李子問青天

同

永井明卿

攀躋何限瀟陵山翠壁層標接漢關身是未為五噫客徒將書劍老人間

同 擬登芙蓉峰

西川寬行

芙蓉万仞倚蒼天削壁巉巖思渺然高步三峯懸積雪回看千里拂輕煙昔時曾抱青雲志今日却羞白髮年何歲

更將薜蘿服飄々此處類遊仙

同

永井貞卿

登高何處一峰分岸積臨風白日睡縱有龍山載酒興無人道憶孟參軍

同

早川貞綱

城樓高秀白雲遙目裏江山風景連堪喜四郊雞犬達輻湊千里簇人煙

同

萬里風雲斷獨樂千仞乾坤望裏盡江海掌中流才愧謝生履身非范子舟壯心空既散五月猶披裘

同

此日登高秋色多松杉風起韻悲歌千年尙想龍山會落帽參軍今若何

同

天門山上出塵氛攀盡日觀四望分誰識振衣無限意人間幾處移浮雲

同

憑高望不極十里夏雲開青嶽千盤合白瀾一道來已生湖海意又憶淮南才未擬四方計躊躇動暮哀

同

極目登高如避塵農山談笑二三賓玄冠赤羽漫休說贏得當時屐躓人

同

登高一望故人稀松樹森々晚鴉飛萬里月明誰作賦天涯孤客忽思歸

同

呼吸青天氣自通登臨絕頂立清風浮名世上又何問四海雲山一瞬中

丹羽直道

宇都孟潭

三宅資簡

邊黈元

澗陰翁

僧佳岡

安井武

聽笛思歸

丹羽秀明

林風孤月旅魂清江上遙聞玉笛聲又向三更吹折柳無何萬里故園情

同

戶田勝秀

孤客登樓夜色微何人吹笛月中歸無端更有梅花落併與鄉心萬里飛

同

小池信綱

客舍秋風月色寒故園千里路漫々笛聲何處腸堪斷終夜徘徊空倚欄

同

乾中

江上潮高月色浮蕭條夢斷獨登樓誰家吹落梅花曲散入歸心涕泗流

同

永井明卿

何處催吹笛蕭々入暮雲關山與折柳使旅客先聞

同

乾直貞

城頭何處笛聲催鴻雁月明向北回吹盡關山無限怨江南一夜客心催

同

西川寬行

萬里長城欲暮時天邊何處笛聲悲胡人不識無涯恨偏向關山月裡吹

同 劍舞高堂夜宴移無端羌笛月中吹邊城更莫催三弄思殺河橋折柳時 永井貞卿

同 吹笛江城片月寒海風蕭颯動欄干歸心無限望鄉國萬里關山行路難 早川貞綱

同 五月清風吹客衣忽聞玉笛月中微無端折柳起天外一夜鄉心作絮飛 丹羽直道

同 數聲長笛起江城關月海風相與清一夜寥寥吹不斷教人轉促故園情 宇都孟潭

同 客舍蕭々夢未成燈前屈指壯心驚胡笳何處關山月愁殺故園萬里情 三宅資簡

同 故園遙指海雲間五月披裘猶未還一曲梅花飛不盡偏隨愁緒滿關山 邊 熙 元

同 登樓思舊里空聞玉笙聲斷續和風到哀音帶月清豈堪惆悵色將入別離情誰識曲中恨片心附雁行 僧 秀 泰

同 非土殊風鳴刀環客天明月落關間哀々歌吹誰家子喚起思歸九里山 九里亦云九疑 澗 陰 翁

同 山上月明万里飛笛聲可忍入幽扉八千子弟今何在一曲中寄信馬歸 僧 三 休

同 孤客望鄉此上樓笛聲吹送滿城愁關山何處月明夜千里思歸淚自流 僧 開 禮

同 何人此夜暗飛聲笛裏梅花落海城積水霽光愁裡月夢魂不盡向鄉情 安 井 武

同 梧桐霜落客衣單此夜秋風玉笛寒向月誰聞孤館裏殘燈不睡思浸々 澤 鑑

同 白雲飛盡萬峰晴紅樹秋高月色清獨夜蕭條聞玉笛天涯無奈故園情 行 武 煥

同 何人吹笛暮江頭聲逐扁舟月色悠曲裏關山不可望風波萬里客心愁 度 會 末 文

昭和十三年十月三十一日印刷
昭和十三年十一月十日發行

發行所 三原圖書館

編纂者 澤井常四郎

三原市本町一五七〇

印刷者 岡田軌道

福山市桶屋町一九九

印刷所 成文社

福山市桶屋町一九九

387
63

終

